

**■ GLOSSA**

# Pur, maridà, tschertga...

DA SILVIO CAMENISCH

Spievel vaider enramà, Stgi è il pli bel en terra e martgà, anc adina? Respunda il spievel: Signur biopur, mo ditg tranter nus, il bel essas Vus, anc adina. Super. Quai hai jau vulì udir, savì hai jau adina. Annunziel jau uss a temp mias fermas ambi ziuns per il cussegl naziunal, il 2019, nun che jau fiss mort e sepulì en ina s. fossa, in da chasa durabel. Ma sun segir che jau vegn a viver anc adina en quest mund il 2019. Rauba da tschel mund, meglier ditg inventari, dastga spetgar. Poss jau adina pli tard, suenter la unica carriera.

Jau avess mustgas dad ir er da vegnir en la politica la burgaisa. Jau na dovr betg in gen politic da mai orz u pervi da mai instinct sco mes vischin ha in: mia unica bellezza plus malizia plus spass e calcul tanschan, il rest sa dat u vegn dà. E las dunnas las burgaisas entschaivan pront a sbragir sco narras, maste giar las unglas, sgrattar sa sezzas sin la pel averta. (Jau m'emposs betg! Anonimus fauss davosnoda na dovra betg puspè metter la gossa, manegel glossa en ses preferì portal il tv-gloria!, tge nin uschiglio!)

Mia dunna stat sco ina paraid davos mai mias ambi ziuns politicas annunziadas fitg fitg baud a las partidas las burgaisas, las plaschaivlas. A tschellas



betg. Jau pli bel pur, durabel, da la Svizra burgaisa, dator la UE!, hai adina pudì zavrà ora mez las bellas da tschellas sco Bachelor Renzo. La rosa cotschna cun fusti lung hai jau dà a las bellas candidatas: la pcd, la pps, la pld, co ch'ellas sa numnan tuttas. Autras er bellas, almain da dadens anora, hai jau stuì dischillusiunar e far bragir, betg pudì resguardar e dar la rosa. Malgrà u pir da dretg in di passentà: cun ellas ed en ellas a lieu tegnì discret: per sa vegnir dattiers... sco stà da spetgar. Ma nagins selfies u belfies da nus en circulaziun, mumentan.

Oha ed opla!, la bella giuvna pbd, la ideala dals purs en general dals biopurs en spezial betg sa qualifitgada sezza e betg nominada dal Bachelor Renzo sco ina da las finalistas en stretga schelta, fa surstar. La bella consequentamain era permalada sco betg in'autra scappa en

rassa lunga cun colur da crema brischada e high heels dal bain, la ponderosa Renzo, il campus. Avess dà ina bella partida èn dal maini observaders experts e medias medias. Pertge betg? Ins ma duai mussar. Jau sun bel. Tuttas burgaisas crain vidlonder, sa refrestgentan dalonder. Jau valitesch si, gea optimesch ella la fortunada burgaisa che survegn mai va tut endretg, insatge fitg svizzer.

Las bellas attirantas las burgaisas mez nivas en fanestras illuminadas fitg fitg da milieu cotschen da Niederdorf u Welschdörfli da partidas, mussan giavinnan carmalan insistent sco vehement: Ve si! Ve en, bel um! Qua dadens bler pli chaud che là dator en il vent, perfin cuntravent! (Insatge ch'ins auda adina era durant scuntradas litteraras e festivals ch'i curran ils bels amis cumprais lur plugls.)

Tuttas bellas burgaisas m'han avert las portas gia rullà or il tarpun cotschen. Stoss mo ma decider e vegnir. Jau hai temp. Tadlai ti dunna ed uffants. In temp sun jau anc qua, en voss mez. In auter temp, 2019, na sun jau betg pli qua sin la ranch. Sun jau amez la Wandelhalle la federala en straglich e chametgs da medias medias. Ti dunna pudesas installar il bun famegl! Bistgaun durant las sessions jau bler absent e bler davent.